

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 16. sjednici, održanoj dana 09.07.2015. godine, d o n o s i

ZAKLJUČAK

I.

Utvrđuje se Prijedlog Zakona o dopuni Zakona o sudskim taksama ("Službene novine Zeničko-dobojskog kantona", broj: 12/09, 4/11, 7/11, 15/11, 2/12, 9/13, 2/14, 1/15).

II.

Prijedlog Zakona iz tačke I. ovog zaključka upućuje se u dalju skupštinsku proceduru po skraćenom postupku.

III.

Zaključak stupa na snagu danom donošenja.

Broj: 02-_____/15.
Datum, 09.07.2015. godine
Zenica

PREMIJER

Miralem Galijašević

DOSTAVLJENO:

1x Ministarstvo za pravosuđe i upravu,
1x Stručna služba Skupštine,
1x a/a.

OBRAZLOŽENJE

Pravni osnov za donošenje zaključka sadržan je u članu 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10) i članu 49. Poslovnika o radu Vlade Zeničko-dobojskog kantona ("Službene novine Zeničko-dobojskog kantona", broj 5/11.)

Razlozi za donošenje Notar Selim Brkić iz Tešnja uputio je Skupštini Zeničko-dobojskog kantona Inicijativu za izmjenu člana 11. Zakona o sudskim taksama ("Službene novine Zeničko-dobojskog kantona", broj 12/09, 4/11, 7/11, 2/11 9/13) u smislu Zakona o nasljeđivanju u Federaciji Bosne i Hercegovine i to člana 269.stav 3. kojim je propisano

„Sud će u roku od 30 dana počevši od dana primjene ovog zakona povjeriti notarima u skladu sa odredbama člana 261. Ovog zakona sve ostavinske predmete u kojima do dana primjene ovog zakona nije poduzeo ni jednu procesnu radnju“, te člana 264.koji propisuje:

„ U izvršenju povjerenog posla notar je ovlašten pribavljati potrebne podatke i isprave od nadležnih organa. Podnesci kojima to traži oslobođeni su od toškova sudskih i administrativnih taksi“ i člana 267. stav 3.

“Kad u ostavinskom postupku notar postupa kao povjerenik suda, ne plaća se taksa“.

U postupku razmatranja osnovanosti Inicijative Ministarstvo za pravosuđe i upravu je zatražilo stavove svih općinskih sudova sa područja Zeničko-dobojskog kantona kao i Notarske komore Federacije BiH. Sumiran stav istih je da sudovi u postupanju u ostavinskim postupcima primjenjuju Zakon o sudskim taksama Zeničko-dobojskog kantona i odredbe propisane članom 11. o oslobađanju nasljednika prvog nasljednog reda za raspravljanje zaostavštine i za uknjižbu vlasništva, odnosno suvlasništva nad naslijeđenim nekretninama.

U smislu ovh stavova je i stav Notarske Komore Federacije BiH , koja je nakon toga aktom broj 2-697/15, od 12.02. i sama uputila Inicijativu za usklađivanje Zakona o sudskim taksama Zeničko-dobojskog kantona sa Zakonom o nasljeđivanju u FBiH.

Skupština Zeničko-dobojskog kantona na sjednici održanoj 16.06.2015.godine donijela je Zaključak broj 01-02-12933/15 i Zaključak broj 01-02-12934/15 kojim je prihvatila Inicijative Notarske komore Federacije Bosne i Hercegovine i notara Selima Brkića iz Tešnja, Ministarstvo za pravosuđe i upravu i Vladu Zeničko-dobojskog kantona zadužila da u smislu predloženih inicijativa pripreme i u skupštinsku proceduru pripreme nacrt Zakona o dopuni Zakona o sudskim taksama. Postupajući po navedenim zaključcima Skupštine, a imajući u vidu da nije u pitanju složen i obiman zakon, ministarstvo predlaže da se zakon razmatra u formi prijedloga, bez nacrt, i to po skraćenom postupku.

Finansijska sredstva za realizaciju ovog zaključka nisu potrebna.

PRIJEDLOG

Na osnovu člana 37.stav 1. tačka g) Ustava Zeničko-dobojskog kantona, Skupština Zeničko-dobojskog kantona na __.sjednici održanoj __.__.____ d o n o s i

**ZAKON O DOPUNI
ZAKONA O SUDSKIM TAKSAMA**

**Član 1.
(Dopuna člana 11.)**

U Zakonu o sudskim taksama („Službene novine Zeničko-dobojskog kantona, broj: 12/09, 4/11, 7/11,15/11, 2/12, 9/13, 2/14, 1/15) u članu 11.stav (1) iza tačke n) dodaje se tačka o) koja glasi:

„notari kad u ostavinskom postupku postupaju kao povjerenici suda“

**Član 2.
(Prečišćeni tekst)**

Ovlašćuje se Zakonodavno-pravna komisija Skupštine Zeničko-dobojskog kantona da utvrdi prečišćeni tekst Zakona o sudskim taksama.

**Član 3.
(Stupanje na snagu)**

Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona“

Broj:
Datum
Z e n i c a

PREDSJEDAVAJUĆA
Draženka Subašić

O B R A Z L O Ž E N J E

Pravni osnov za donošenje zakona sadržan je u članu 37. tačka h) Ustava Zeničko-dobojskog kantona da donosi zakone i ostale propise za izvršavanje kantonalnih nadležnosti.

Razlog donošenja: Notar Selim Brkić iz Tešnja i Notarska komora Federacije Bosne i Hercegovine uputili su Skupštini Zeničko-dobojskog kantona Inicijative za izmjenu člana 11. Zakona o sudskim taksama ("Službene novine Zeničko-dobojskog kantona", broj 12/09, 4/11, 7/11, 2/11 9/13) u smislu Zakona o nasljeđivanju u Federaciji Bosne i Hercegovine i to člana 269.stav 3. kojim je propisano

„Sud će u roku od 30 dana počevši od dana primjene ovog zakona povjeriti notarima u skladu sa odredbama člana 261. Ovog zakona sve ostavinske predmete u kojima do dana primjene ovog zakona nije poduzeo ni jednu procesnu radnju“, te člana 264.koji propisuje:

„ U izvršenju povjerenog posla notar je ovlašten pribavljati potrebne podatke i isprave od nadležnih organa. Podnesci kojima to traži oslobođeni su od toškova sudskih i administrativnih taksi“ i člana 267. stav 3.

“Kad u ostavinskom postupku notar postupa kao povjerenik suda, ne plaća se taksa“.

Postupajući po podnesenim Inicijativama Vlada Zeničko-dobojskog kantona je prihvatila mišljenje Ministarstva za pravosuđe i upravu o njihovoj opravdanosti i potrebi da se iz razloga otklanjanja svih nejasnoća kod implementacije ovog zakona u praksi, odnosno stvaranja potpuno jasne pravne situacije, za donošenje dopune Zakona o sudskim taksama („Službene novine Zeničko-dobojskog kantona, broj: 12/09, 4/11, 7/11,15/11, 2/12, 9/13, 2/14 i 1/15), a Skupština Zeničko-dobojskog kantona zaključcima broj: 01-0212933/15 i 01-02-12934/15 prihvatila inicijative i naložila Vladi i Ministarstvu za pravosuđe i upravu da pripreme i u skupštinsku proceduru dostave Nacrt Zakona o dopuni Zakona o sudskim taksama.

Imajući u vidu da nije u pitanju složen i obiman zakon, predlaže se da se razmatra u formi prijedloga, bez nacрта, i to po skraćenom postupku.

Finansijski efekti za realizaciju ovog zakona nisu potrebna dodatna izdvajanja iz Budžeta.